

PROSA TRADISIONAL “ASAL PADI”

Baca petikan prosa tradisional di bawah dengan teliti, kemudian jawab soalan-soalan yang berikutnya

Kemudian yang empunya padi itu berkata lagi, “Nyahlah kamu dari sini! Kami sekali-kali tidak akan mengizinkan jikalau makanan kami ini hendak dibawa ke bumi. Kamu hanya boleh makan makanan itu di kayangan ini. Jikalau kamu hendak memakannya di sini, maka kami tidak berkeberatan. Akan tetapi jikalau kamu hendak membawanya ke bumi tempat asal kamu, maka kami tidak akan memperkenankannya.”

Kemudian orang kayangan itu mengambil nasi dan memberikan nasi itu kepada anak yatim piatu yang baru datang itu supaya penduduk bumi itu dapat merasakan betapa lazatnya dan betapa besar faedahnya makanan yang disangkanya emas itu. Setelah anak yatim piatu itu selesai makan, maka barulah ia percaya betapa lazatnya makanan yang aneh itu. Ia ingin memintanya agar ia dapat membawa pulang dan menanam tanaman yang ajaib itu di bumi. Akan tetapi ia yakin bahawa yang empunya pasti tidak akan mengizinkannya. Oleh sebab itu, jikalau ia hendak membawa tanaman yang ajaib itu ke bumi, maka ia harus mencari akal agar ia dapat menyembunyikan tanaman itu di dalam sebuah tempat yang tidak akan diketahui oleh yang empunya. Akan tetapi ia tidak mempunyai tempat untuk membawa tanaman yang ajaib itu tanpa diketahui oleh sesiapa pun juga.

(Dipetik daripada prosa tradisional “Asal Padi” antologi
Kuingin Berterima Kasih, Tingkatan 1, Dewan Bahasa dan Pustaka)

penjara

tegas

lazat

baik hati

meminta

amal

menanamnya

kelazatan

1. Apakah perkara yang difikirkan oleh anak yatim piatu itu setelah dia selesai makan? [3 markah]

Perkara yang difikirkan oleh anak yatim piatu itu setelah dia selesai makan ialah dia percaya bahawa makanan tersebut _____. Oleh sebab itu, anak yatim piatu ingin _____ tanaman ajaib itu untuk dibawa pulang dan ingin _____ di bumi.

2. Kemukakan dua perwatakan empunya padi berdasarkan petikan di atas. [3 markah]

Dua perwatakan empunya padi ialah seorang yang berpendirian _____. Contohnya, dia tidak membenarkan anak yatim piatu membawa keluar padi dari kayangan. Selain itu, dia juga seorang yang _____ kerana telah memberi anak yatim piatu merasai _____ padi yang ditanamnya.

3. Buat kesimpulan anda tentang hukuman yang harus dikenakan kepada seseorang yang didapati mencuri. [4 markah]

Kesimpulan saya tentang hukuman yang harus dikenakan kepada seseorang yang didapati mencuri dengan mengenakan hukuman undang-undang seperti hukuman denda dan _____. Selain itu, pencuri tersebut dihukum untuk membuat kerja-kerja _____ atau kebajikan dalam tempoh tertentu.

PROSA TRADISIONAL “ASAL PADI”

Baca petikan prosa tradisional di bawah dengan teliti, kemudian jawab soalan-soalan yang berikutnya

Hatta, maka pada suatu waktu kedua-dua orang suami isteri itu meninggal dunia. Mereka meninggalkan dua orang anaknya itu yang masih kecil. Kedua-dua orang anak yatim piatu itu belum dapat mencari nafkahnya sendiri kerana mereka masih terlalu kecil. Segala ternakan dan harta benda peninggalan orang tuanya habis diambil oleh orang-orang jahat, sehingga kedua-dua orang anak yatim piatu itu melarat hidupnya. Hanya sebuah kolam ikan yang digali dan dibuat sendiri oleh ayahnya sahaja yang masih tinggal dan tidak dapat dicuri atau diambil oleh orang-orang jahat itu. Pusaka satu-satunya yang tinggal itulah yang selalu dijaga siang dan malam oleh kedua-dua orang anak yang malang itu. Anak yang sulung sudah agak besar, akan tetapi sayang sekali anak itu cacat. Kakinya kerekot, jari-jari kakinya tumbuh melekat satu sama lain, seperti kaki itik dan kedua-dua tumitnya berlubang.

Hatta, maka pada suatu hari pergilah Si Bongsu melihat-lihat kolam ikan peninggalan orang tuanya.

(Dipetik daripada “Asal Padi” dalam antologi
Kuingin Berterima Kasih, Tingkatan 1, Dewan Bahasa dan Pustaka)

1. Nyatakan **dua** peristiwa malang yang dialami oleh anak-anak yatim piatu dalam petikan di atas. [3 markah]

Peristiwa malang yang dialami oleh anak-anak yatim piatu dalam petikan di atas ialah ibu bapa kanak-kanak itu _____. Lebih malang lagi apabila semua _____ orang tua mereka habis dicuri orang-orang jahat.

2. Berikan dua pengajaran yang terdapat dalam petikan di atas. [3 markah]

Dua pengajaran yang terdapat dalam petikan di atas ialah kita mestilah _____ sebelum mengambil barangnya. Contohnya orang-orang jahat tidak sepatutnya mencuri harta anak yatim. Selain itu, kita hendaklah _____ dengan sebaik-baiknya. Contohnya, anak yatim piatu menjaga kolam ikan peninggalan bapa mereka dengan baik.

3. Nyatakan langkah terbaik untuk membela nasib anak-anak yatim. [4 markah]

Langkah terbaik untuk membela nasib anak-anak yatim ialah _____ bagi menjaga anak-anak yatim secara berpusat. Seterusnya, kerajaan perlu _____ bagi membantu mereka untuk menyambung pelajaran ke peringkat yang lebih tinggi.

menyediakan sumber kewangan
menjaga harta pusaka
ternakan dan harta benda peninggalan
meminta izin daripada pemilik
meninggal dunia
meyediakan tempat tinggal

